
УММОН СУЛТОНЛИГИНИНГ “АТЫАВ FOODTECH” LLC КОМПАНИЯСИ МЕНЕДЖЕРИ МОХСИНУДДИН САИД ФАРҒОНА ВИЛОЯТИГА ТАШРИФ БУЮРДИ

Ташриф давомида вилоятнинг йирик экспортёрлари билан учрашиш, ҳамда амалга ошириладиган лойиҳа учун ажратилиши белгиланган бино-иншоотларини кўздан кечириш режалаштирилган.

Дастлаб, Олтиариқ туманидаги “Far Meva Oltiariq” МЧЖ корхонасига ташриф буюрилди. Мутахассислар режалаштириладиган лаборатория ҳамда халқаро сертификатлаш маркази бўйича маълумотлар беришди. Тадбиркор томонидан келажакда Европа бозорларига кириш истаги борлиги ва халқаро сертификатларга эҳтиёж борлиги таъкидланди.

Учкўприк туманидаги “Меҳригиё” МЧЖнинг цитрус мевалар ва ўсимликлардан шифобахш экстрактлар олиш лойиҳаси билан танишилди. Мазкур корхона вакили ҳам ҳозирда БАА импортёрлари билан 15 йилга савдо келишуви имзолагани ва ISO сертификати олишда қийинчиликларга дуч келадиганини таъкидлади.

Қўштепа туманидаги “Шукр Давлат” фермер хўжалиги сут маҳсулотларини қайта ишлаш корхонасига борилганда 1000 дан ортиқ қорамол парваришланаётган фермер хўжалиги раҳбари хорижлик мутахассисдан сут маҳсулотлари турини кенгайтириш ва сифатини ошириш бўйича консультация олиш истагини билдирди.

Фарғона шаҳридаги Корея капитали иштирокидаги “Ўзсеганг” МЧЖ қўшма корхонаси бошқарувчиси томонидан Европа давлатига мевалар етказиб бериш бўйича шартнома имзолангани ва ҳозирда “Global Gap” халқаро сертификати олишда қийинчиликлар юзага келганини билдирди. Хорижлик мутахассис бу борада дастлабки маслаҳатларни берди ва томонлар ҳамкорликни бошлашга келишиб олдилар.

Кунинг якунида Фарғона шаҳридаги “Тадбиркорлар уйида” Фарғона вилояти ҳокими ўринбосари М.Абдурахмонов билан учрашув ўтказилди.

Ҳоким ўринбосари томонидан “Atyab Foodtech” LLC компанияси менеждери Мохсинулдин Саидга лойиҳани амалга оширишда ҳокимлик томонидан барча зарурий ёрдам кўрсатилиши билдирилди.

2020-11-12 17:51:07